







915302—  
—915331 III

Mag. St. Dr.













R. P. D.

# BEAUFORT DE CANILLIAC

Chelmen. Decimarum.

915303

Veneris 30. Martii 1753.

III

**D**ecimas, quæ in specie, seu Manipulis à Conjugibus Grajevski uti possessoribus Villarum *Zaporze*, *Gruska*, & *Podlesia* præstanda erant Ecclesiæ Parochiali *Czerniencin*, in pecuniaras vertere curarunt dd. Conjuges anno 1743. perque initam reverà transactionem cum Præposito Ecclesiæ *Turobinensis*, cui unita jam fuerat Parochialis *Czerniencin*, constitutum fuit, ut pro eisdem Decimis annua fieret solutio florenorum 60. Ponicarium, reservato Ordinarii Beneplacito: Cum verò Episcopus Chelmenis in Pastoralis Visitatione *Turobinensis* Ecclesiæ hac improbata Decimarum commutatione, deleverit quidquid actum jam fuerat ab illius Præposito, hic firmiter aded resipuit, ut pactam Decimarum mutationem impugnaverit mox in Curia Episcopali Chelmen., mox in Tribunali S. Nuntiaturæ, & pro illius voluntate res utrobique successit. Immo etsi Judices per Breve in Partibus Delegati in contrariam Sententiam abiverint in gradu ulterioris appellationis, attamen A.C. Paraccianus, ad quem è Ve-



è Vestigio causa conscendit, infirmata Judicum Delegatorum Sententia, confirmavit Judicata Curiae Episcopalis, ac Nuntiaturae decernentia solutionem Decimarum in Manipulis. Hinc verò etſi Conjuges de Grajevski novam, mihi dirigi curassent commissionem à Signatura Justitiae, nunc tamen animum desponderunt, ipsisque non contradicentibus dedi Dubium = *An constet de tribus in casu* =, quod resolutum fuit pro Praeposito Informante, hoc est *affirmative*.

2 Et sanè cum sententiae Curiae Episcopalis Chelmen., Sacrae Nuntiaturae, ac A.C. sese invicem confirmantes constituent Ecclesiae Turobinensi pensandas esse Decimas in Manipulis, dubitandum idcirco non erat de ipsarum conformitate *Rot. decis. 647. num. primo part. prima, decis. 49. num. primo part. 5. Recent., & decis. 5. num. primo coram Caprara*: Pariterque staute ternario earum numero, diversa, quae intercessit Delegatorum Judicum Sententia, prohibere non poterat, quominus dicendum esset constare de tribus, uti practice firmavit eadem *Rota decis. 980. num. 12. coram Dunozett., decis. 616. num. primo part. 18. tom. 2., & decis. 667. num. 2. part. 19. tom. 2. Rec.*

3 Sententiarum conformitati, apertissima accedebat illarum Justitia. Praeter enim quod pro exactione Decimarum in Manipulis, Ecclesia, seu Praepositus Turobinensis fundatam habet intentionem in Divino, ac Canonico Jure, quo reprobata pecuniaria Decimarum pensatione sancitur solvendas eas esse in ipsamet specie enascentium fructuum, uti de Jure Divino habetur in *Levitic. cap. 22. num. 30., in Exdr. cap. 10. num. 37., & de Jure Canonico praelari sunt Textus in cap. Cum homines, & cap. Ex parte de Decimis*, quos in terminis Decimarum Poloniae sequuta est *Rota in Cracovien. Decimarum 27. Junii 1749. §. 2. coram Me, & in Cracovien. Decimarum super bono Jure 27. Aprilis 1750. §. 2. coram Reverendissimo Zamoren.*

4 Validius etiam urgebat Synodalis Constitutio Regni Poloniae in forma specifica confirmata à San. Mem. Urbano VIII.; Quandoquidem per ipsam nullitatis actus, atque excommunicationis penam vetitum in ea fuit, ne quis manipulares Decimas in pecuniarias pensiones converteret, uti refert *Starovvolscius in Breviar. Jur. Pontific. tit. 44. de Decim., & Rota in Varsavien. Decimarum prima Julii 1715. §. Nec pro titulo coram bon. mem. Foscaro, in Cracovien. Decimarum super bono jure 26. Junii 1747. §. 3. coram R.P.D. Clemente, & in dicta alia Cracovien. Decimarum super bono jure 27. Aprilis 1750. §. 3. coram Reverendissimo Zamoren.*, proindeque quo firmior est hujusce Synodalis Constitutionis auctoritas, eo sanè tutius Praeposito Turobinensi jus competit Decimas exigendi in Manipulis, ad  
*Text.*



6.  
Text. in cap. fin. de Constit. & Rota in Calaritano, seu  
Uffellen. Decimarum super Restitutione in integrum 30. Ja-  
nuarii 1741. §. 3. coram Me.

5 Et salva magis res erat, ex quo in ipsa Turobinensis Ecclesie  
fundatione pro ejus Dote, ac Præpositi alimonia assignata  
fuerunt manipulares Decimæ nedum ex omnibus Prædiis  
intra Pærecie fines existentibus, sed expressius ex Villis  
Zaporze, Gruska, & Podlesie. Immo hæc eadem assigna-  
tio in Sacris plerumque Visitationibus comprobata reman-  
sit. Non etenim decet, quæ ad saluberrimam Ecclesie fun-  
dationem investita sunt, perniciofa deinceps novitate tur-  
bare, ex firmatis in puncto per Rotam in Cracovien. Deci-  
marum 26. Januarii 1723. §. Et quidem coram bon. mem.  
Cerro, nec per variatam Decimarum speciem licitum est  
variare veterem ejusdem Ecclesie dotem, & statum in Sa-  
cris Visitationibus apertissime ratihabitu Rota in Craco-  
vien. Decimarum 27. Junii 1749. §. 3. coram Me, & in  
dicta Cracovien. Decimarum super bono jure §. 4. coram  
Reverendissimo Zamoren.

6 Nec merito dici poterat jura hæc Turobinensis Ecclesie pro  
exactione Decimarum Manipularium, jamdiu fuisse con-  
traria præscriptione sublata: Animadvertebant namque  
Domini, quod etsi eadem Decimæ solutæ quandoque fue-  
rint in pecuniis, eadem tamen solutio mox ad florenos 50.  
coercita, mox ad sexaginta protracta fuit. Immo pecunia-  
riam hanc præstationem acceptarunt Præpositi iis semper  
adjectis salutaribus Clausulis = Pro Decima Manipulari =  
salvo jure Decimæ Manipularis = Crebra quippè solutio-  
num Variatio, ac expressa in iisdem solutionibus Causa,  
per præcipuam illam dictionem = Pro = ingenio suo exclu-  
dunt præscriptionem, quæ libera, ac invariabili quôtannis  
solutione consistit, sive modica, sive uberrima fuerit mes-  
sis, & fructuum collectio, ut præcisè docuit Rota dec. 125.  
num. 7., & 8. part. 11. Recent., in Cracovien. Decimarum  
super bono jure 26. Junii 1747. §. 6. coram R. P. D. Clemen-  
te, & in dicta alia Cracovien. Decimarum super bono jure  
§. 16. coram Reverendissimo Zamoren.

7 Præterea si quæ à Præposito Turobinensi facta fuit exactio De-  
cimarum in pecuniis, ea sanè primum accidit anno 1623.  
usque ad annum 1628. inde autem, veteri reassumpta exa-  
ctionis forma in Manipulis, non nisi quam anno 1722. in-  
vestita iterum fuit solutio in pecuniis, eaque porrexit ad  
annum 1733.; Ex hac autem saltvaria pecuniarum solutio-  
ne convellitur quæcumque præscriptio, quæ sicuti perne-  
cessè requirit actus univocos, continuatos, & numquam in-  
erruptos, uti in specie dixit Rota in Cracovien. Decima-  
rum 27. Junii 1749. §. 8. coram Me, ita conticescere omni-  
nò debet in hac specie, in qua plurimæ intercesserunt De-  
ci-



cimarum solutiones in Manipulis, ex firmatis *in dicta Cracovien. Decimarum super bono jure §. 11. coram Reverendissimo Zamoren.*

8 Ceterum cum in prædictis Synodalibus, ac Pontificiis Constitutionibus cautum fuerit, manipulares Decimas verti non posse in pecuniarias, hinc fit, ut quancumque fuerint actus solutionis quantitativæ, ex iis tamen inducta nullo modo remanserit præscriptio ob vitium malæ fidei in solventes diffusæ ex ipsis Synodalibus, ac Pontificiis Sanctionibus, uti in puncto tradit *Rota in dicta Cracovien. Decimarum super bono jure §. 19. coram Reverendissimo Zamoren.*; Quin immò cum Constitutiones istæ non solum penam excommunicationis præferant contra Refractarios, sed munitæ insuper sint Clausula = *Sublata*, ac decreto *irritanti*, firmitus indè effrangitur cujusque consuetudinis, aut præscriptionis efficacia ex præcisè firmatis per *Rotam in Cracovien. Decimarum 27. Junii 1749. §. 6. coram Me.*

9 Dùm verò res ita loquebatur, immorandum non erat in transactione anni 1743., qua Manipulares Decimæ versæ fuerunt in pensionem annuam florenorum 60.; Hæc quippè transactio etsi vetitam saperet alienationem rerum Ecclesiæ inita adhuc fuit citra Beneplacitum S. Sedis, immò etiam sine consensu Ordinarii, undè pro invalida prorsus habenda erat *Rota in Alatrina Juris pascendi 17. Junii 1729. §. 4. coram clar. mem. Card. Cincio*, ejusque intrinsecæ nullitas ob resistantiam præcipuè Synodalis Constitutionis à S. Sede confirmatæ allegari validissimè potuit ab ipsomet Præposito Transigente juxta opinionem *Rotæ in Cracovien. Decimarum 26. Februarii 1723. §. Taliter coram bon. mem. Cerro, & in dicta Cracovien. Decimarum 27. Junii 1749. §. fin. coram Me.*

10 Adstipulante potissimum quod in eadem Transactione reservatus expressissimè fuit assensus, & approbatio Ordinarii per ea verba = *Hæc autem compositio debet esse corroborata, & confirmata ab Illustrissimo D. Episcopo Chelmenfi* = Ex hac namque reservatione descendit, ut etiamsi Episcopi Beneplacitum necessarium de Jure non fuisset, adhuc tamen impetrandum esset, eoque non obtento, actus ipse omninò corruat, possitque alter ex transigentibus penitere *Rota decis. 52. num. 44. coram Dunczet. Sen., decis. 402. num. 13. coram Bich., & punctualissimè in decis. 224. num. 12. coram Kaunitz.*

Et ita altera &c.

ROMÆ, Typis Rev. Camera Apostolicæ 1755.

Superiorum permisso.



DEVAIS

DEVAIS

DEVAIS







B 6008 5





